

ՆԵՐՔԻՆ ՏԵՍՈՒԹԻՒՆ

† ԳՐԻԳՈՐ ԱՐԾՐՈՒՆԻ

(† 19/31 գեկտեմբերի 1892 թ.)

Ձկայ այլ ևս Գրիգոր Արծրունին, նա որ քսան տարի շարունակ և անընդհատ կերպով մեր հասարակութեան ամենից շատ ուշք գրաւած անձնատուութիւնն է եղած:

Գրիգոր Արծրունին ասպարէզ եկաւ և հէնց առաջին ընդհանրացնեց հասարակութեան ուշադրութիւնը: Հո՞ւմ երկաթին մագնիսականութիւն հաղորդեց, որի հոսանքը իսկոյն երկու ուղղութիւնների ջրկեց՝ երկու ծայրերում կենտրոնանալով: Եւ հանգուցեալը եղաւ մինչև իւր մահը մի մագնիսական սլաք հասարակաց կարծիքի մեզանում, հասարակաց ոգին իւր մէջ կենտրոնացնելով աւելի քան որ և է մէկը նորա—ժամանակակիցներից:

Արծրունին ստեղծւած էր զարթեցնելու և արթնութեան մէջ պահելու հասարակաց կարծիքը, իւր տեսողութիւնը տարածելով ազգի բոլոր խաւերի վերայ և կեանքի բոլոր շողերը մի պրիզմայի միջով անցկացնելով: Այդ պրիզման իւրն էր, նորանից ցոլացող գոյներով նա գոյն տւեց ժամանակի կեանքին, որպէս ոչ մէկը նորանից առաջ և նորա կենդանութեան օրերով:

Բայց միութարական է որ այն յառաջատար հոսանքը, որին հանգուցեալը մեծ մղում տւեց, աճեց և ճիւղաւորւեց դեռ ևս նշանաւոր պուրլիցիստի կենդանութեան օրերով նաև նորանից անկախ: Մշակչ լրագիրը որ դրոշակ էր մտքերի նոր հոսանքների, դառաւ օրգան կուսակցութեան պարագլխի, և իբրև այսպիսին՝ նա կուսակցութեան գլխաւոր ղեկավարող թերթը մնաց իւր հիմնադրի ձեռքում մինչ վերջին ընդհանրացնելու, շնորհիւ այն հաւատի, որ իմացել էր նա ներշնչել դէպի ինքը երիտասարդութեան մէջ և ժողովրդական խաւերում:

Մեր յառաջդիմական հոսանքը մտքեր մշակելու զործում աւելի ընդարձակ ծաւալ ստացաւ, քան թէ այն, ինչ հանգուցեալի

օրգանը միւս վերջը կարողացաւ արտայայտել. բայց Արծրունուն մնում է մեծ պատիւը որ նա իւր օրգանի միջոցով շեկավարեց հասարակաց կարծիքը կարեւորագոյն կռիւներում և համակրութիւն վաստակեց ամբողջ յառաջդիմական կուսակցութեան կողմից, հնարաւորութիւն տալով բոլոր յառաջդիմականներին իրանց զգալ մի մարմին, երբ խնդիրը ընդհանուր կուսակցութեան գործնական դատերի պաշտպանելու մէջն էր:

Իւր կուսակցութիւնը ստեղծելու համար, նա նախ մտքեր քարոզեց. դորանից առաւ կերպով օգուեց նաև նորագոյն գրականութիւնը, որը իւր ներկայացուցիչներից շատերի անունով կապւած է «Մշակ»-ի առաջին տասնամեայ շրջանի գործունէութեան հետ: Երբ իւր քարոզած ուղղութեամբ սնած մատաղ սերունդը կեանքի մէջ գործելու չափահասութեան հասաւ, Արծրունին իւր լրագրով զբաղւեց այդ սերնդից մի կուսակցութիւն կազմակերպելու և նրանով մեր կեանքում հինը նորով փոխարինելու. դպրոցներ, ընկերութիւններ, Ելմիածինը իւր օրգաններով, որպէս նաև ընդհանուր հայկական կեանքը՝ զգացին այդ նոր հոսանքի առողջարար ոյժը:

Գրիգոր Արծրունու, որպէս կուսակցութեան պարագլխի, մեծ արժանիքը այն էր, որ նա, և դորանում առաջինը մեզանում, — իմացաւ կուսակցական պայքարների մէջ ուղղութիւն պահպանել, յարմարացնելով այդ ուղղութիւնը իւր քարոզած մտքերի ուղղութեանը և այլպիսով կեանքը մղելով գէպի մոքի շաւիղը: Գրիգոր Արծրունին իսկական հիմնադիրն է զազափարական կուսակցական կեանքի մեզանում, որ, մեր կարծիքով՝ հանգուցեալի ամենամեծ տխրոսը կը մնայ մեր կուլտուրական կեանքի զարգացման պատմութեան մէջ:

Մենք այս տողերով ուղեցինք գծել հանգուցեալի հրապարակախօսական գործունէութեան միայն դրական կողմերը, որոնց համար նա զնահառութեան արժանի է մեր աչքում:

Այն պատիւը, որին ազդը նորան արժանացրեց, նա արդարութեամբ վաստակեց: